



Broj: 04-40-1-87/25
Sarajevo, 29.03.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 28.03.2025. do 08:30 sati 29.03.2025. godine

Zbog povećane opasnosti od poplava na području Kantona Sarajevo uslijed obilnih kišnih padavina, u izvještajnom periodu direktor Kantonalne uprave civilne zaštite Kantona Sarajevo i uposlenici Sektora za mjere zaštite i spašavanja kontinuirano su obilazili područja koja su najugroženija od poplava u općinama: Ilidža, Novi Grad, Vogošća, Ilijaš i Hadžići, te koordinirali sa općinskim strukturama civilne zaštite u cilju preduzimanja neophodnih mjera zaštite i spašavanja ljudi i materijalnih dobara i mjera i aktivnosti na otklanjanju opasnosti od poplava.

U toku jučerašnjeg dana općinske strukture civilne zaštite s područja Kantona Sarajevo, bile su angažovane na preduzimanju mjera na sprječavanju nastanka od poplava i otklanjanju posljedica od obilnih kišnih padavina, kako slijedi:

Općina Centar: U cilju sprječavanju izlivanja Koševskog potoka, u naselju Nahorevo u ul. Svetozara Ćorovića br. 4., Općinske strukture civilne zaštite Centar su bile angažovane na uklanjanju betonskog zida i ostalog nanosa iz korita Koševskog potoka koji su se uslijed kišnih padavina obušili u njegovo korito.

Općina Novo Sarajevo: Nakon saniranja, potpornog zida, koji je spojno mjesto nekategorisane ceste u ulici Zahira Panjete broj 673, i privatnog posjeda na kojem je izgrađen stambeni objekat u ulici Pofalicka br. 45, Služba za zaštitu od požara i vatrogastvo оформljena u Vatrogasnom društvu Novo Sarajevo-1934, koje djeluje u sastavu civilne zaštite Općine Novo Sarajevo izvršila je sapiranje saobraćajnice od nanosa blata.

Navedena Služba obišla je lokaciju u naselju Velešići, gdje dolazi do izlivanja vode iz odvodne cijevi za oborinske vode i prodora iste u objekat individualnog stanovanja na adresi Ćamila Sijarića broj 17.

Također, vršili su obilazak lokacije u ulici Novopazarska broj 59A, gdje je 27.03.2025.godine, po prijavi vlasnika objekta individualnog stanovanja prijavljeno pokretanja zemlje i nastanka klizišta, izlaskom na lice mjesta Službe za civilnu zaštitu, Službe za zaštitu od požara i vatrogastvo i Općinske inspekcije utvrđeno da je vlasnik objekta samostalno izvodeći radove na toj parceli, uzrokovao pokretanje zemlje. Općinska inspekcija izdala je nalog vlasniku objekta o daljem postupanju. Civilna zaštita prati situaciju kroz redovne obilaskе terena.

Pripadnici Službe za zaštitu i spašavanja na vodi i od djelovanja vode i poplava, oformljene pri Ronilačkom Klubu Bosna obilazili su korito rijeke Miljacke s posebnim fokusom na pješačke mostove. Ustanovljeno je da nema opasnosti za živote i imovinu građana.

Na osnovu podataka Agencije za vodno područje rijeke Miljacke, evidentirani vodostaj rijeke Miljacke na mjernom mjestu HS Vodoprivreda, tokom izvještajnog perioda je bio u opadanju, i iznosio je < od 1m.

Sve dok traju ovi vremenski uslovi sa izdatim upozorenjima, vršit će se aktivni obilazak terena, te u slučaju potrebe angažovat će se sve raspoložive snage koje se nalaze u sistemu zaštite i spašavanja Općine Novo Sarajevo, koje su od 25.03.2025.godine, u pripravnosti.

Općina Novi Grad: Ekipe općinskih struktura civilne zaštite su bile angažovane na ispumpavanju vode iz objekata u koje se voda bila ulila uslijed začepljenih šahtova i odvoda u naselju Rajlovac i preduzimanju drugih neophodnih mjera na otklanjanju opasnosti od poplava.

Općina Ilidža: Ekipe Općinske službe civilne zaštite su konstantno jučer bile na terenu i pratile situaciju na područjima koja su ugrožena od poplava, kako bi na vrijeme mogle djelovati sa snagama i sredstvima ukoliko se ukaže potrebe za istim.

Općina Hadžići: Ekipe općinskih struktura civilne zaštite Hadžići su kontinuirano vršili obilazak područja koja su najugroženija od poplava i preduzimali neophodne mjere i aktivnosti na otklanjanju posljedica od kišnih padavina.

Općina Vogošća: Općinske strukture civilne zaštite Vogošća su na više lokacija sa ljudstvom i mehanizacijom bili angažovani na otklanjanju posljedica od poplava i na rješavanju problema iz oblasti komunalne infrastrukture (otčepljenju šahtova i odvoda, uklanjanju mulja, pijeska i nanosa sa saobraćajnica) koje su izazvale obilne kišne padavine.

Općina Ilijaš: Općinske strukture civilne zaštite Ilijaš su u toku jučerašnjeg dana sa mehanizacijom bila angažovana na deblokiranju puta u naselju Stomorine, koje je bio blokirao zbog klizišta. Također, je i deblokirana saobraćajnica u Gornjim Malešićima na lokalitetu gdje je bila oštećena uslijed novo registrovanog klizišta.

Općina Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju ranog upozoravanja ugroženog stanovništva i njihove eventualne evakuacije. Uposlenici Službe civilne zaštite Općine Stari Grad Sarajevo i pripadnici službi zaštite i spašavanja Općine Stari Grad Sarajevo, izlaskom na navedene lokacije dana 28.03.2025. godine, utvrdili su slijedeće stanje:

1) Lokalitet "Curine njive" – Opština Istočni Stari Grad i Općina Stari Grad Sarajevo (Bostarići)

Izlaskom na lice mjesta dana, 28.03.2025. godine uočeno je da su na terenu formirane pukotine uslijed naprezanja i pomjeranja tla duž klizne plohe te iste variraju u veličini, obliku i orijentaciji. Dolazi do vidljivih promjena oblika pukotina odnosno povećanje širine i dužine istih. Na dijelu lokaliteta "Curine njive-igralište" dolazi do konstantnog priliva vode jačeg intenziteta, koji stvara djelomični plavnu livadu. Pojave vode u zapadnom dijelu klizišta neposredno ispod nasipa ne može se tačno utvrditi. Ove vode prodiru u tijelo klizišta i slabe otporne karakteristike tla duž klizne plohe (pretpostavka je da se ista javlja iz podzemnih kaptaža koje trpe pritisak zemlje odnosno građevinskog materijala sa nasipa).

U dijeli ispod lokaliteta "Curine njive-igralište" (dio Općine Stari Grada Sarajevo) vidljiva promjena oblika ranije nastalih pukotina odnosno znatno povećanje širine i dužine istih, pojava novih kao i osipinja dijela zemlje na mjestu ranijih pukotina kao i osipanje dijela zemlje u dijelu šume prema prvim stambenim objektima koji se nalaze na području Općine Stari Grad Sarajevo (ulica Ablakovina).

Uslijed kišnih padavina u prethodnih 24 sata teren je i dalje zavodnjen te ima negativan uticaj na procese klizanja tla. Zavodnjavanje može dodatno destabilizirati tlo, smanjujući njegovu čvrstoću i povećavajući rizik od klizanja. Na predmetnom lokalitetu vrši se 24-satno osmatranje terena od strane uposlenika Službe civilne zaštite Općine Stari Grad Sarajevo kao i službi zaštite i spašavanja Općine Stari Grad Sarajevo u cilju ranog upozoravanja ugroženog stanovništva i njihove evakuacije kao i upozoravanja Operativnog centra Općine Stari Grad Sarajevo, Općinskog štaba civilne zaštite Općine Stari Grad Sarajevo i službi zaštite i spašavanja Općine Stari Grad Sarajevo te Operativnog centra Kantonalne uprave civilne zaštite Kantona Sarajevo.

2) Lokalitet "Knjeginjac" – Opština Istočni Stari Grad

Izlaskom na lokalitet "Knjeginjac" dana 28.03.2025.godine uposlenici Službe civilne zaštite Općine Stari Grad Sarajevo utvrdili su da se na predmetnom lokalitetu **ne vrši** odlaganja nove količine zemljanog i kamenog materijala odnosno da se ne izvode nikakvi građevinski radovi.

Na predmetnom lokalitetu vrši se 24-satno osmatranje terena od strane uposlenika Službe civilne zaštite Općine Stari Grad Sarajevo te se informacije dostavljaju dežurnom Operativnom centru.

3) Lokalitet Bistrički potok – Općina Stari Grad Sarajevo (Boguševac) i Opština Istočni Stari Grad

Izlaskom na lice mjesta dana 28.03.2025.godine uočeno je da je korito Bistričkog potoka i dalje djelimično zasuto materijalom sa deponije, obrušenim stablima te ranije isječenim stablima. Nisu uočena nova obrušavanja materijala sa deponije u vidu zemljano-kamenog materijala i stabala niti je uočeno da je vršeno uklanjanje ranije odloženog zemljano-kamenog materijala i stabala.

Uslijed kišnih padavina u prethodnih 24 sata došlo je do povećanja količine vode u koritu Bistričkog potoka.

Na predmetnom lokalitetu vrši se 24-satno osmatranje terena od strane uposlenika Službe civilne zaštite Općine Stari Grad Sarajevo te se informacije dostavljaju dežurnom Operativnom centru.

4) Naredba Štaba civilne zaštite Kantona Sarajevo o evakuaciji stanovništva sa ugroženog područja Općine Stari Grad, broj: 08-40-1128-2/24 od 01.11.2024.godine i broj: 08-40-1128-2.1/24 od 20.11.2024.godine

Postupajući po Naredbi Štaba civilne zaštite Kantona Sarajevo o evakuaciji stanovništva sa ugroženog područja Općine Stari Grad, broj: 08-40-1128-2/24 od 01.11.2024. godine, uposlenici Službe

civilne zaštite Općine Stari Grad Sarajevo redovno vrše obilazak stambenih objekata i građana ulica Bostarići, Ablakovina i Ablakovina čikma.

U skladu sa Planom evakuacije i zbrinjavanja stanovništva u slučaju procjene da može doći do prirodnih ili drugih nesreća ili da je proglašeno stanje prirodne ili druge nesreće na području Općine Stari Grad Sarajevo - lokalitet MZ "Širokača", ulica Bostarići i Ablakovina, broj:12-40-222-87/24 od 30.10.2024. godine, te Izmjenama i dopunama Plana evakuacije i zbrinjavanja stanovništva u slučaju procjene da može doći do prirodnih ili drugih nesreća ili da je proglašeno stanje prirodne ili druge nesreće na području Općine Stari Grad Sarajevo - lokalitet MZ "Širokača", ulica Bostarići i Ablakovina, broj:12-40-222-96/24 od 06.11.2024. godine, a koje je donio Općinski štab civilne zaštite Općine Stari Grad Sarajevo, uposlenici Službe civilne zaštite i Službe za poslove mjesnih zajednica Općine Stari Grad Sarajevo poduzimaju daljnje aktivnosti za smještaj stanovništva sa ugroženog područja u dostupne smještajne jedinice koje će biti osigurane posredstvom Općine Stari Grad Sarajevo.

Prema najnovijim podacima koje je prikupio Kantonalni operativni centar civilne zaštite, nivoi svih vodotoka na području Kantona su kontinuirano u opadanju, tako da se stanje na ugroženim područjima poboljšalo u odnosu na jučerašnji dan.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali 13 manjih intervencija i to: 4 intervencije na gašenju zapaljenog smeća u kontejnerima, 3 intervencije na gašenju zapaljenog automobila, jedna tehnička intervencija (otvaranje zaglavljениh vrata) i 5 obezbjeđenja (kulturna, sportska manifestacija i 3 obezbjeđenja pretakanja goriva na Međunarodnom aerodromu sarajevo).

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 8 °C, vlažnost zraka 91 %, barometarski pritisak 928,5 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a